

wirdt zu teütsch durch außlassung des leßten Buchstabens vnd verwechs-
lung der zwey ersten Keuß genant. Das Brseler Thal ist allenthalben/
vorbehalten die Enge/ da es dem Land Bry die Keuß von sich gibt / mit
hohem Gebürg vmbgeben/ iüert welche es gute Weiden/ Alpen vnd schö-
ne Matten hat/ aber wegen der hochgelegnen wilden Landts- Art mag es
das Obs/ auch das wilde Holz nicht fürbringen.

Alhie were wol zuerzehlen was grosser Gefahr zu zeiten die hin vnd wi-
der reißenden auff diesem Alpgebürg/ wege gächling einreißender starcken
vnd ungestümmen Winden/ vnd vilfältigen Schnees/ auch von den aller-
höchsten Bergspitzen mit unsäglichem Gewalt zu Thal fallenden Schnees
Löwenen/ vbersichien müssen/ daß da vilmahlen Menschen vñ Vieh/ Leib/
Leben/ Haab vnd Gut in einē Augenblick zu grund gehet/ deren Exem-
pel wol zuerzehlen weren/ die ich von Kürhe wegen vnderlasse.

Es werde aber beiderseits des Gebürgs die Reißendē durch die Bergsa-
erfahrne gewarnt/ daß selbige auß langer Erfahrenheit die bevorstehen-
de Wind vnd Schneeweter erkennet. Der Löwenen aber sindt zweyer-
ley/ als die einen so man Schneelöwenen/ die anderen aber Grundlöwe-
nen/ könen von einem kleinen Vögelin / oder von starkem Ruffen/ Re-
den/ Geschrey oder Gethöñ verursacht werden/ haben einen kleinen An-
fan3/ mehrend aber sich eylendts/ vnd brechend daß mit Gewalt herein/
zertrucken vnd erstrecken alles was das Leben hat / zwar werden zu Zeiten
etliche erzetet / so da eylendts von den Bergleüthen wider außgraben
werden/ hat sich wol auch begeben daß Menschen 3. Tag vnder solchen Lö-
wenē gelegē/ vñ wider erzetet worden/ die es doch ihr Lebentag empfundenē.

Die Grundlöwenē sindt vil anderst beschaffē als die andern/ daß gegen
de Söñer so der Schnee blut wird vñ anfanet zureissen/ mehret er sich zu
stund zu einē solchē hauffē daß er mit ihme gē Thal nimbt was er anrufft/
Stein/ Baum/ Grund/ Bodē/ also daß er ein ganze Dorffschafft/ wo er sie
anträse/ vor ihme hinweg stiese/ macht auch ein solch braschle vñ getöñ/ dā
einer vermeint d ganze Berg falle zu hauffē/ mā hört auch solch getümel
gleich einē Donnerklapff durch Berg vñ Thal. Vnder einer solchen Löwe-
nē fundt Anno 477. von gemeinē Eydgnoßē 60. wol gerüster Kriegs knecht/
so damalen wider die verwittibte Herzogin Bonna von Neylandt ober
das Gebürg gezogē zu grund gangen/ es werden/ auch zu Zeiten die Stets
nenen Gewölben Brucken/ deren es hic diß- vnd jenseits ober die Keuß vñ
Thal ein grosse menge hat von den Grundlöwenē/ vnd daß von anlauf-